


গণপ্রজাতন্ত্রী বাংলাদেশ সরকার
ওয়েজ আর্নাস কল্যাণ বোর্ড
প্রবাসী কল্যাণ ভবন, ইস্কাটন গার্ডেন
৭১-৭২, পুরাতন এলিফ্যান্ট রোড, ঢাকা।
www.wewb.gov.bd

বিষয়: ওয়েজ আর্নাস কল্যাণ বোর্ডের কর্মচারীদের অবসরজনিত কারণে প্রাপ্য আনুতোষিক ও অন্যান্য আর্থিক সুবিধাদি প্রদানের লক্ষ্যে “সুপারএ্যানুয়েশন ফান্ড গঠন ও পরিচালনা” নীতিমালা।

- ১। **শিরোনাম।**— ওয়েজ আর্নাস কল্যাণ বোর্ডের কর্মচারীদের অবসরজনিত কারণে প্রাপ্য আনুতোষিক ও অন্যান্য আর্থিক সুবিধাদি প্রদানের লক্ষ্যে ওয়েজ আর্নাস কল্যাণ বোর্ড পরিচালনা পর্ষদের ২৮৮তম বোর্ড সভার সিদ্ধান্ত অনুযায়ী নিম্নোক্তভাবে “সুপারএ্যানুয়েশন ফান্ড গঠন ও পরিচালনা” নীতিমালা প্রণয়ন করা হইল।
- ২। **সংজ্ঞা।**— বিষয় অথবা প্রসঙ্গের পরিপন্থী কোনো কিছু না থাকিলে, এই নীতিমালায়-
(ক) “বোর্ড” অর্থ ওয়েজ আর্নাস কল্যাণ বোর্ড;
(খ) “কর্মচারী” অর্থ ওয়েজ আর্নাস কল্যাণ বোর্ডের অধীনে নিয়োগকৃত নিয়মিত সকল কর্মকর্তা ও কর্মচারী; এবং
(গ) “তহবিল” অর্থ ওয়েজ আর্নাস কল্যাণ বোর্ডের অধীনে নিয়োগকৃত নিয়মিত সকল কর্মকর্তা ও কর্মচারীদের অবসরজনিত কারণে প্রাপ্য আনুতোষিক ও অন্যান্য আর্থিক সুবিধাদি প্রদানের জন্য গঠিত সুপারএ্যানুয়েশন ফান্ড।
- ৩। **সুপারএ্যানুয়েশন ফান্ড গঠন।**—
ওয়েজ আর্নাস কল্যাণ বোর্ডের চাকুরী প্রবিধানমালা অনুযায়ী কর্মচারীদের অবসর ও চাকুরি অবসায়নজনিত কারণে প্রাপ্য আনুতোষিক ও অন্যান্য আর্থিক সুবিধাদি প্রদানের লক্ষ্যে নিম্নবর্ণিত উৎসসমূহ হইতে প্রাপ্ত অর্থের সমন্বয়ে “সুপারএ্যানুয়েশন ফান্ড” গঠিত হইবে।
(ক) ওয়েজ আর্নাস কল্যাণ বোর্ড কর্তৃক এককালীন ১০ (দশ) কোটি টাকা সীড মানি হিসেবে মঞ্জুরীকৃত অর্থ;
(খ) প্রতি মাসে কর্মচারীদের মূল বেতনের ১০% সমপরিমাণ অর্থ বোর্ড হইতে প্রদত্ত হইবে;
(গ) তহবিলের ঘাটতি পূরণের জন্য বোর্ড কর্তৃক সময় সময় মঞ্জুরীকৃত অর্থ;
(ঘ) তহবিলের সঞ্চিত অর্থ বিনিয়োগ হইতে অর্জিত আয়; এবং
(ঙ) অন্য কোন বৈধ উৎস হইতে প্রাপ্ত অর্থ।
- ৪। **তহবিলের অর্থ জমা, বিনিয়োগ ইত্যাদি।**—
(ক) তহবিলের অর্থ সংরক্ষণের জন্য “সুপারএ্যানুয়েশন ফান্ড” শিরোনামে একটি এসটিডি হিসাব থাকিবে। উক্ত হিসাব ওয়েজ আর্নাস কল্যাণ বোর্ডের মহাপরিচালক ও পরিচালক (অর্থ ও কল্যাণ) এর যৌথ স্বাক্ষরে পরিচালিত হইবে; এবং
(খ) প্রতিবছর অবসরজনিত আনুতোষিক ও অন্যান্য সুবিধাদি পরিশোধের উদ্দেশ্যে সম্ভাব্য প্রয়োজনীয় অর্থ সংরক্ষণ করিয়া অবশিষ্ট অর্থ তফসিলি ব্যাংকে স্থায়ী আমানত হিসাবে জমা রাখা যাইবে।
- ৫। **তহবিলের অর্থ ব্যয় ও হিসাব নিরীক্ষা।**—
(ক) এই তহবিলের অর্থ কেবলমাত্র ওয়েজ আর্নাস কল্যাণ বোর্ডের চাকুরী প্রবিধানমালা অনুযায়ী অবসরজনিত কারণে এককালীন প্রাপ্য আনুতোষিক ও তৎসম্পর্কিত অন্যান্য আর্থিক সুবিধাদি প্রদানের উদ্দেশ্যে ব্যয় হইবে। এতদ্ব্যতীত অন্য কোনো খাতে এই তহবিলের অর্থ ব্যয় করা যাইবে না;
(খ) তহবিলের আয় ও ব্যয়ের হিসাব, সময় সময়, বোর্ডের অভ্যন্তরীণ নিরীক্ষা বিভাগ কর্তৃক নিরীক্ষিত হইবে; এবং
(গ) প্রতি অর্থ বৎসর শেষে তহবিলের আয়-ব্যয়ের প্রতিবেদন বোর্ড সভার অবগতির জন্য উপস্থাপন করতে হইবে।


গাজী মোহাম্মদ জুলহাস এন(জিএম)
মহাপরিচালক (অতিরিক্ত সচিব)
ওয়েজ আর্নাস কল্যাণ বোর্ড।